



БАТЛАВ:

ДОРНОГОВЬ АЙМГИЙН  
ХАТАНБУЛАГ СУМЫН  
ЗАСАГ ДАРГА

 /М.МӨНХБАЯР/

“МОНГОЛИАН ВИП ТРЕЙДИНГ”  
ХХ КОМПАНИЙ ГҮЙЦЭТГЭХ  
ЗАХИРАЛ

 /Р.АДЬЯА/

ДОРНОГОВЬ АЙМГИЙН ХАТАНБУЛАГ СУМЫН “ХУТАГ УУЛ” АГНУУРЫН  
БҮС НУТГИЙН ХАМГААЛЛЫН МЕНЕЖМЕНТИЙГ ХАРИУЦАХ  
ГЭРЭЭ № 04/13

**НЭГ. ЕРӨНХИЙ ҮНДЭСЛЭЛ**

Энэхүү гэрээ нь агнуурын бүс нутгийн экосистемийг хамгаалах, тогтвортой хөгжлийн менежментийг хэрэгжүүлэх, ан амьтны санг хариуцан хамгаалах, түүнийг зүй зохистой ашиглах, нөхөн сэргээх, байгаль орчны асуудал эрхэлсэн Төрийн захиргааны төв байгууллагын бодлогыг, нутгийн иргэд, нөхөрлөл, байгаль хамгаалах төрийн бүс олон нийтийн байгууллагууд зэрэг оролцогч талуудын үйл ажиллагааны харилцааг зохицуулахад чиглэгдэнэ.

**ХОЁР. ГЭРЭЭНИЙ ЗОРИЛГО**

Тухайн бүс нутгийн ан амьтдыг оновчтой хамгаалалтанд авч, тогтвортой өсөлтийг хангах, зохистой ашиглалтын горимыг тогтоох, нарийвчилсан агнуур зохион байгуулалт хийх, агнуурын бүс нутгийн хилийн цэсийг 1 : 200 000 масштабтай газрын зураглал дээр тусгах, ан амьтны тоо толгой, сүргийн бүтцийг нарийвчлан тогтоох, мал, амьтны бэлчээрийн давхацлыг тодорхойлж түүнийг бууруулах арга замыг хайх, гадаад орчин, махчин амьтны нөлөөлөлд өртөх эрсдлийг багасгах зорилгоор биотехникийн арга хэмжээг цаашид авч хэрэгжүүлэх урт хугацааны менежментийн төлөвлөгөөг боловсруулан мөрдөж ажиллахад гэрээний гол зорилго оршино.

**ГУРАВ. АГНУУРЫН БҮС НУТАГ**

Монгол Улсын Байгаль орчныг хамгаалах тухай хуулийн 11 дүгээр зүйл, Дорноговь аймгийн Хатанбулаг сумын Иргэдийн Төлөөлөгчдийн Хурлын 2013 оны 06 дугаар сарын 25-ны өдрийн 29 тоот тогтоолыг үндэслэн “Монголиан ВИП Трейдинг” ХХ Компани нь тус сумын “Хутаг уул” агнуурын бүс нутгийн менежментийг (Хутаг уул, Зүүн Цээл, Хараат, Арслан уул, Зүүн Нарийн, Баруун Нарийн, Шавар уул, Ээрэнтий хүрэн, Толь уул - хамрах 903,29 км<sup>2</sup> км<sup>2</sup> агнуурын бүс нутгийг) 2013 оны 06 дугаар сарын 25-ны өдрөөс 2023 оны 06 дугаар сарын 25-ны өдрийг хүртэл 10 жил (арав) хариуцахаар нэг талаас

- Дорноговь аймгийн БО Газар,
- Дорноговь аймгийн Хатанбулаг сумын Засаг Даргын Тамгын Газар, ИТХ
- Агнуурын бүс нутгийн менежментийг хариуцагч "Монголиан ВИП Трейдинг" ХХ Компани,
- Ан агнуурын мэргэжлийн байгууллага "Монголын Анчдын Нийгэмлэг" ТББ,
- Дорноговь аймгийн Хатанбулаг сумын "Хутаг уулын хөндий" нөхөрлөл

харилцан тохиролцож энэхүү гэрээг байгуулав. Хилийн цэс, газрын зургийг хавсаргав.

## **ДӨРӨВ. ТАЛУУДЫН ХҮЛЭЭХ ҮҮРЭГ**

### **Нэг. Дорноговь аймгийн БО Газрын хүлээх үүрэг хариуцлага**

- 1.1 Гэрээний хэрэгжилтэнд хяналт тавьж, удирдлага, зохион байгуулалтын туслалцаа үзүүлнэ.
- 1.2 Гэрээнд хамрагдсан сумын агнуурын бүс нутагт үйл ажиллагаа эрхэлж байгаа байгаль хамгаалах нөхөрлөлийн гишүүдэд байгаль хамгаалагчийн эрх, үнэмлэх олгуулах ажлыг холбогдох байгууллагуудад тавьж шийдвэрлүүлнэ.
- 1.3 Аймгийн БО Газар нь "Ховор амьтан агнах, барих тусгай зөвшөөрөл олгох журам"-ын 4.1-д заасан хүсэлт, аймгийн ан агнуурын менежментийн төлөвлөгөөнд үндэслэн дараа онд тусгай зөвшөөрлөөр агнах амьтны тоо хэмжээний саналыг аймгийн хэмжээнд нэгтгэн төрийн захиргааны төв байгууллагад жил бүрийн 8 дугаар сарын 20-ны дотор хүргүүлнэ.
- 1.4 Хатанбулаг сумын агнуурын бүс нутгийн менежментийг хариуцагч "Монголиан ВИП Трейдинг" ХХ Компанид хувиарлагдсан ахуйн /үнэг, хярс г.м/ болон тусгай зөвшөөрлөөр агнуулах, барих амьтдын төрөл, тоо толгойд хяналт тавьж ажиллана.

### **Хоёр. Сумын ИТХ, Засаг даргын Тамгын газрын хүлээх үүрэг хариуцлага**

- 2.1 Сумын ИТХ нь агнуурын амьтны тархац нутагт ан амьтныг агнах, барих агнуурын бүс нутгийг "Амьтны тухай" хуулийн 4.1.22, 5.3.2-т заасан ан агнуурын менежментийн төлөвлөгөөг үндэслэн тогтооно.
- 2.2 Сумын ИТХ-ын Тэргүүлэгчид нь тухайн агнуурын бүс нутагт мэргэжлийн байгууллагатай хамтран хийж гүйцэтгэсэн ан амьтны менежментийн төлөвлөгөөг үндэслэн тухайн жилд ахуйн болон тусгай зориулалтаар барих, агнуулах амьтны тоо толгойг тогтоож, хэлэлцүүлэг хийнэ.



2.3 Сумын ИТХ нь амьтны нөөцийг хамгаалах, өсгөн үржүүлэх арга хэмжээний зардлыг тухайн жилийн төсвийн төсөлд тусгах

2.4 Сумын нутаг дэвсгэр дэх ангийн нөөц бүхий нутаг дэвсгэрт нутгийн иргэдийн оролцоотой байгаль хамгаалах нөхөрлөл байгуулах ажлыг удирдлага, зохион байгуулалтаар хангаж ажиллах

2.5 Байгалийн нөөц ашигласны төлбөрийн тухай хуулийн 18.1-д заасны дагуу тусгай зориулалтаар агнаж, барьсан ан амьтны төлбөрийн орлогын 50-иас доошгүй хувийг зөвхөн тухайн агнуурын бүс нутгийн ан агнуурын менежментийн төлөвлөгөөг хэрэгжүүлэхэд зарцуулах

2.6 Агнуурын бүс нутгийн менежментийг хариуцагчийн ажлын гүйцэтгэлд хяналт тавьж ажиллахын зэрэгцээ төлөвлөгөөний биелэлтийн тайланг сумын ИТХ-аар хэлэлцүүлж тодорхой удирдамж, чиглэлээр хангаж ажиллах

**Гурав. “Хутаг уул” агнуурын бүс нутгийн менежментийг хариуцагч  
“Монголиан ВИП Трейдинг” ХХ Компаний хүлээх үүрэг хариуцлага**

3.1 “Хутаг уул” агнуурын бүс нутагт жил бүр мэргэжлийн байгууллагаар нарийвчилсан агнуур зохион байгуулалтыг хийлгэсний үндсэн дээр тухайн агнуурын бүс нутагт ан амьтны менежментийн төлөвлөгөөг мэргэжлийн байгууллагатай хамтран боловсруулж, тухайн жилд ахуйн болон тусгай зориулалтаар барих, агнуулах амьтны тоо толгойг тогтоож, сумын ИТХ-ын Тэргүүлэгчдээр хэлэлцүүлнэ.

3.2 Монгол Улсын Байгаль орчныг хамгаалах тухай, Ойн тухай, Амьтны тухай, Газрын тухай, Усны тухай, Байгалийн ургамлын тухай болон бусад холбогдох хууль тогтоомжийн заалтыг өдөр тутмын үйл ажиллагаандаа мөрдөж ажиллана.

3.3 “Хутаг уул” агнуурын бүс нутагт ургамал, мод бут тарьж ургуулсан, амьтан өсгөж үржүүлсэн болон хурын усыг хуримтлуулах замаар усан сан, цөөрөм байгуулсан тохиолдолд дундын өмчлөлд хамаарна.

3.4 Байгалийн нөөц, түүний өөрчлөлтийн тухай мэдээллийг сумын Засаг дарга, бусад байгууллага, албан тушаалтанд тогтоосон хугацаанд нь үнэн зөвөөр гарган өгч байна.

3.5 Байгалийн баялгыг түймэр, хөнөөлт шавьж, өвчнөөс сэргийлэх, тэдгээртэй тэмцэх, хор уршгийг арилгах арга хэмжээг холбогдох мэргэжлийн байгууллагатай авч хамтран хэрэгжүүлнэ.

3.6 Ургамал, амьтан бусад баялгыг хамгаалах, байгаль орчны төлөв байдлыг алдагдуулахгүй байх.

3.7 Агнуурын бүс нутгийн менежментийг хариуцагч нь “Ховор амьтан агнах, барих тусгай зөвшөөрөл олгох журам”-ын 4.6, 4.7-д заасан ховор амьтан агнах, барих гэрээний биелэлтийн тайланг аймаг, нийслэлийн байгаль орчны асуудал хариуцсан байгууллагад жил бүрийн 11 дүгээр сарын 15-наас өмнө хүргүүлнэ.

3.8 Агнуурын бүс нутгийн менежментийг хариуцагч нь байгалийн баялгыг хууль бус үйлдэл, гадны нөлөөнөөс хамгаалах, үүний тулд эргүүл гаргах, хяналт шалгалт зохион байгуулах, учирсан хохирлыг буруутай этгээдээр төлүүлэх асуудлыг холбогдох байгууллагад тавьж шийдвэрлүүлэх.

3.9 Агнуурын бүс нутагт зөвшөөрөлгүй ан амьтан агнасан, барьсан, өвс ургамлыг нь түүсэн хууль бус үйлдлийг таслан зогсоох, буруутай этгээдийг олж илрүүлэхэд байгаль орчны хяналтын улсын байцаагч, байгаль хамгаалагчид туслах.

3.10. Байгалийн тодорхой төрлийн баялгийг зохих хууль тогтоомж, ИТХ болон сумын Засаг даргаас зөвшөөрсөн хэмжээгээр байгаль орчинд халгүй аргаар ашиглах.

3.11 Гэрийн мал, зэрлэг амьтны бэлчээрийн давхцалыг бууруулах зорилгоор бэлчээрийг сэлгэх малчдын нүүдэл шилжилтийн талаар малчидтай харилцан тохиролцоно.

3.12 Гэрээний хугацааг сунгах хүсэлтээ гэрээний хугацаа дуусахаас 3 сарын өмнө сумын Засаг даргад гаргана.

#### **Дөрөв. Мэргэжлийн байгууллагын хүлээх үүрэг хариуцлага**

4.1 “Хутаг уул” агнуурын бүс нутагт нарийвчилсан агнуур зохион байгуулалтыг “Монголиан ВИП Трейдинг” ХХ Компани, “Хутаг уулын хөндий” нөхөрлөл, орон нутгийн засаг захиргааны байгууллагуудтай хамтран жил бүр зохион байгуулна.

4.2 Оролцогч талуудтай хамтран агнуур зохион байгуулалтын менежментийн төлөвлөгөөг жил тутам хийж, ахуйн /үнэг хярс г.м / болон тусгай зориулалтаар агнах, барих амьтны төрөл, тоо толгой, байршилыг тогтооно.

4.3 “Хутаг уул” агнуурын бүс нутагт тус агнуурын бүс нутгийн менежментийг хариуцагч хуулийн этгээд, сумын БО-ны Улсын байцаагчтай хамтран жил бүр мониторинг судалгаа хийж, ан агнуурын менежментийн төлөвлөгөө боловсруулна. Хэрэгжүүлэх менежментийн төлөвлөгөөг оролцогч талуудын саналыг үндэслэн боловсруулж, сумын ИТХ-ын Тэргүүлэгчдээр хэлэлцүүлэх.

5.4 Ан агнуурын бүс нутгийн менежментийг хариуцагч хуулийн этгээд, иргэн, нөхөрлөлийн гишүүдэд БОНХЯ-наас батлан гаргасан журам, тогтоол шийдвэр болон бусад холбогдох хууль эрх зүйн талаархи мэдээллээр хангаж, биотехникийн болон ан амьтны тооллого хийх талаар уулзалт, сургалт, семинарыг тухай бүрт тогтмол зохион байгуулна.

#### **Тав. Санхүүжилт**

5.1 Биотехникийн арга хэмжээний зардлыг оролцогч талууд харилцан тохиролцож санхүүжүүлнэ.

5.2 Агнуурын бүс нутгийн менежментийг хариуцагч нь “Амьтны тухай” хуулийн 23.4.2 заасны дагуу гэрээгээр эзэмшиж, ашиглаж байгаа агнуурын бүс нутагтаа хийлгэх



нарийвчилсан агнуур зохион байгуулалтын ажлын зардлыг өөрийн хөрөнгөөр хийж гүйцэтгэнэ.

### Зургаа. Маргааныг шийдэх, хариуцлагын тогтолцоо

6.1 Гэрээ байгуулсан талуудын хооронд маргаан үүсвэл аль болохоор харилцан тохиролцохыг эрмэлзэн ажиллах бөгөөд талууд харилцан тохиролцоонд хүрээгүй тохиолдолд аль нэг тал шүүхийн байгууллагад хандаж болно.

6.2 Гэрээнд заасан үүргээ зөрчиж, байгаль орчинд хохирол учруулсныг холбогдох байгууллагаас тогтоосон тохиолдолд Засаг дарга гарсан хохирлыг оролцогч талуудын хөрөнгөөр бүрэн арилгуулах, хамтын ажиллагааны гэрээг хүчингүй болгох хүртэл арга хэмжээг хууль тогтоомжийн дагуу авна.

Энэхүү гэрээг оролцогч талууд 2013 оны 06-р сарын 25-ны өдөр гарын үсэг зурж баталгаажуулж, 5 хувь үйлдэв.

Гэрээнд өөрчлөлт болон бусад хүчин зүйлийн шаардлагаар гэрээнд нэмэлт өөрчлөлт оруулж болох бөгөөд 2023 оны 06-р дугаар сарын 28-н хүртэл хүчинтэй.

**ДОРНОГОВЬ АЙМГИЙН ХАТАНБУЛАГ СУМЫН ИТХ ДАРГА**

  
..... / Б.ОТГОН /


**ДОРНОГОВЬ АЙМГИЙН БО ГАЗРЫН ДАРГА**

..... / Д.СҮРЭН /

**ДОРНОГОВЬ АЙМГИЙН ХАТАНБУЛАГ СУМЫН БАЙГАЛЬ ОРЧНЫ  
ХЯНАЛТЫН УЛСЫН БАЙЦААГЧ**

  
..... / Э.АНХБАЯР /

**МОНГОЛЫН АНЧДЫН НИЙГЭМЛЭГИЙН МЭРГЭЖИЛТЭН АГНУУР ЗҮЙЧ**

  
..... / Н.ЦЭРЭНГОЧОО /